

白氏文集

十八

016
658
13
13





白氏文集卷第四十二

奏狀二 凡二十四首

論孫璿張奉國狀

奏所聞狀

奏閩鄉等縣禁囚狀

論承瓘職名狀

論元稹第三狀

請罷兵第二狀

請罷兵第三狀

論嚴綬狀

論孟元陽狀

謝官狀

陳情狀

謝官狀

謝恩賜設狀

謝恩賜衣服狀

謝三月三日賜宴狀

謝九月九日賜宴狀

謝臘日賜口蠟狀

謝中和節賜尺狀

謝賜新火狀

謝恩賜冰狀

謝賜新曆日狀

謝賜茶果等狀

謝賜設及匹帛狀

謝社日賜酒餅狀

論孫壽張奉國狀

孫璿

右伏以鳳翔右輔之地控歷隴蜀又近國門最為重鎮承前已來多擇有功勲德望者為之節使昨者孫璿忽除此官臣緣素未諳知不敢輕議可否及制下之後甚不愜人心孫璿雖以從軍不聞有大功效自居禁衛亦無可稱至於姓名眾未知有縱有才略堪任將帥猶宜且試於小鎮不合便授此重藩豈唯公議之間以為過當亦

西處

心作情

知有

恐同類之內皆生倖心况今聖政日明朝綱日舉每命一官一職人皆側耳聽之則除授之間深宜重慎今孫璿已受成命未可遽又改移待到鳳翔觀其可否已後不可不審伏恐聖聰要知

張奉國

右奉國當徐州用兵之時已有殊効及李錡作亂之日又立大功忠節赤誠海內推服近來將校少有比倫已蒙聖恩授金吾

大將軍以示獎勸以臣所見便宜與一方
鎮以感動天下忠臣之志以摧懾天下姦
臣之心何者奉國之事無人不知方鎮之
榮無人不愛若奉國更得節度使天下聞
知人皆為貪寵榮誰不爭効忠順萬一若
一方有事一帥負恩則麾下偏裨競為奉
國亂臣賊子不敢不息一則明勸忠貞二
則闇銷禍亂聖人機柄正在於斯今奉國
聞已有年亦宜速用事不可失臣深惜之

便作臣
將作臣

不
心
有
之

嘗
作
時

然以奉國未曾為理人官恐未可便授大
鎮若近邊次節度有要替處與奉國最為
得宜謹具奏聞謹奏

奏所聞狀

向外所聞事宜

右伏見六七日來向外傳說皆云有進旨
令宣與諸道進奏院自今已後應有進奉
並不用申報御史臺如有人勘問便仰錄
名奏來者內外相傳不無驚恠臣伏料此

事多是虛傳且有此聞不敢不奏伏惟德音除四節外非時進奉一切並停如有違越仰御史臺察訪聞奏今若不許報臺不許勘問即是許進奉而廢德音也伏以陛下憂人思理發自深誠德音中停罷進奉最是大節昨者裴均所進銀器發在德音之前猶慮四方不知將謂容其違越特今送出外庫宣報所司遠近傳呼聞於道路此則不獨人心欣躍感動四方實亦國史

停作信
如作雄

今作命

國元之
冊有之

光明垂示百代今未踰數月忽有此消息賀德音之使未絕於道途許進奉之聲已聞於內外此衆情所以警愕而不測也臣昨訪聞又無明勅伏料聖意必無此處分但恐宣傳之際或致疑誤遂令內外有此流傳實恐旬月之間散報諸道虧損聖政無甚於斯若此果虛即望宣示內外令知聖旨使息虛聲伏願宸衷速有處分謹具奏謹奏

更角之

奏閩鄉縣禁囚狀

號州閩鄉湖城等縣禁囚事宜

右伏聞前件縣獄中有囚十數人並積年禁繫其妻兒皆乞於道路以供獄糧其中
有身禁多年妻已改嫁者身死獄中取其
男收禁者云是度支轉運下囚禁在縣獄
欠負官物無可填陪一禁其身雖死不放
前後兩遇恩赦今春又降德音皆云節文
不該至今依舊囚禁臣伏以罪坐之刑無

重於死故煞人者罪止於死坐贓者身死
不徵今前件囚等欠負官錢誠合填納然
以貧窮孤獨唯各一身債無納期禁無休
日至使夫見在而妻嫁父已死而子囚自
古罪人未聞此苦行路見者皆爲痛傷况
今陛下愛人之心過於父母豈容在下有
此窮人古者一婦懷寃三年大旱一夫結
憤五月降霜以類言之臣恐此囚等憂怨
之氣必能傷陛下陰陽之和也其囚等人

數及所欠官物并赦文不該事由臣即未
知委細伏望與宰相商量兼令本司具事
由分析聞奏如或是實禁繫不虛伏乞特
降聖慈發使一時放免一則使縲囚獲有
生死皆知感恩二則明天聽及卑遠近自
無冤滯事關聖政不敢不言臣兼恐度支
鹽鐵使下諸州縣禁囚更有如此者伏望
便令續條流具事奏上

論承瓘職名狀

其奏謹具奏聞謹奏

承瓘充諸軍行營招討處置使

右緣承瓘職名自昨日來臣與李絳等已
頻論奏又奉宣令依前定者臣實深知不
可豈敢順旨便休伏望聖慈更賜詳察臣
伏以國家故事每有征伐專委將帥以責
成功近年已來漸失舊制始加中使命爲
都監頃者韓全義討淮西之時以賈良國
爲都監近日高崇文討劉闢之時以劉貞
亮爲都監此皆權宜且爲近例然則興王

者之師徵天下之兵自古及今未有令中使專統領者今神策軍既不置行營節度使即承璀便是制將又充討軍招討處置使即承璀便是都監豈有制將都統而使中使兼之臣恐四方聞之必輕朝庭四夷聞之必笑中國王承宗聞之必增其氣國史記之後嗣何觀陛下忍令後代相傳云以中官爲制將都統自陛下始伏乞聖慮以此思之臣又兼恐劉濟茂昭及希朝從

監作統
統作統
使作人

史乃至諸道將校皆恥受承璀指麾心既不齊功何由立此是資承宗之計而挫諸將之勢也伏乞聖慮又以此思之臣伏以陛下自春宮以來則曾驅使承璀歲月既久恩澤遂深望陛下念其勤勞貴之可也陛下憐其忠赤富之可也至於軍國權柄動關於治亂朝廷制度出自於祖宗陛下寧忍徇下之情而自隳法制從人之欲而自損聖明何不思於一時之間而取笑於

治作理

萬代之後今臣忘身命瀝肝膽爲陛下痛
言者非不知逆耳非不知危身但以螻蟻
之命至輕社稷之計至重伏乞聖慮又以
此思之陛下必不得已事須用之即望改
爲都監且徇舊例雖威權尚重而制度稍
存天下聞之不甚驚聽如蒙允許伏望速
宣與中書改爲諸軍都監臣不勝憂迫懇
切彷徨之至

論元稹第三狀

監察御史元稹貶江陵府士曹參軍
右伏緣元稹左降事宜李絳崔群等再已
奏聞至今未蒙宣報伏恐愚誠未懇聖慮
未廻臣更細思事有不可所以塵黷至於
再三臣內察事情外聽衆議元稹左降不
可者三何者元稹守官正直人所共知自
授御史已來舉奏不避權勢只如奏李公
佐等之事多是朝廷親情人誰無私因以
挾恨或假公議將報私嫌遂使誣謗之聲

上聞天聽臣恐元稹左降已後凡在位者
每欲舉事先以元稹爲戒無人肯爲陛下
當官執法無人肯爲陛下嫉惡繩愆內外
權貴親黨縱橫有大過大罪者必相容隱
而已陛下從此無由得知其不可者一也
昨者元稹所追勘房式之事心雖奉公事
稍過當既從重罰足以懲違況經謝恩旋
又左降雖引前事以爲責詞然外議誼誼
皆以爲元稹與中使劉士元爭廳自此得

罪至於爭廳事理已具前狀奏陳况聞劉
士元踏破驛門奪將鞍馬仍索弓箭嚇辱
朝官承前已來未有此事今中官有罪未
見處置御史無過却先貶官遠近聞知實
損聖德臣恐從今已後中官出使縱暴益
甚朝官受辱必不敢言縱有被凌辱毆打
者亦以元稹爲戒但吞聲而已陛下從此
無由得聞其不可者二也臣又訪聞元稹
自去年已來舉奏嚴礪在東川日枉法收

沒平人資產八十餘家又奏王紹違法給券令監軍神樞及家口入驛又奏裴玢違勅旨徵百姓草又奏韓臯使軍將封杖打殺縣令如此之事前後甚多屬朝廷法行悉有懲罰計天下方鎮皆怒元稹守官今貶爲江陵判司即是送與方鎮從此方便報怨朝廷何由得知臣聞德宗時有崔善貞密告李錡必反德宗不信送與李錡李錡大怒遂掘坑縱火燒殺崔善貞未數年

入有之

今作令

者謂

自所有

李錡果反至今天下爲之痛心臣恐元稹左降後方鎮有過無人敢言皆欲惜身永以元稹爲戒如此則天下有不軌不法之事陛下無由得知此其不可者三也若無此三不可假如朝廷誤左降一御史蓋是小事臣何敢煩黷聖聽至于再三乎誠以所損者微所關者大以此思慮敢不極言陛下若以臣此言爲忠又未能別有處置必不得已則伏望且今追制改與一京司

惜官

閑官免令元稹却事方鎮此乃上禪聖政
下愜人情伏望細察事情斷在聖意謹具
奏聞謹奏

請罷兵第二狀

請罷恒州兵事宜

右緣討伐恒州事宜前者已具奏聞此事
至大至切臣不合一奏便休伏願聖聰再
賜詳省臣伏以河北事體本不合用兵既
已用兵亦希萬一所以人意或望成功今

看事勢保必無望何者陛下本用兵之初
第一倚望承瓘第二准擬希朝茂昭今承
瓘自去已來未敢苦戰已喪大將先挫軍
威至今與從史兩軍入賊界下營未得從
史雖經接戰與賊勝負略均況奏報之間
又事恐非實遷延進退貴引日時不唯意
在逗留兼是力難支敵希朝茂昭數月已
來方入賊界據所奏到賊新市城一鎮便
過不得又奏深澤縣今却被賊打破則其

進討之勢想亦可知劉濟親領全軍分圍樂壽又奏賊城堅守卒不易攻師道季安元不可保今看情狀似相計會各收一縣便不進軍如此事由陛下具見據其去就豈有成功未審聖心何如更有所望以臣愚見速須罷兵若又遲疑其害有四可爲陛下痛惜者二可爲陛下深憂者二何則若保有成功即不論用度多少既的知不可即不合虛費貲糧悟而後行事亦非晚

也
有之

保
生果

貲
作資

今遲按一日有一日之費更延旬月所費滋多終須罷兵何如早罷臣伏見陛下比來愛人省用發自深心至於聖躬每事節儉今以府庫錢帛百姓脂膏資助河北諸侯轉令富貴強大臣每念此不勝憤歎此所謂陛下痛惜者一也臣伏恐河北諸將見吳少陽已受制命必引事例輕重同詞請雪承宗若章表繼來即議無不許請而後捨模樣可知轉令承宗膠固同類如此

考
有之

則與奪皆由鄰道恩信不出朝廷實恐威
權盡歸河北臣每念此實所疚心其為陛
下痛惜者二也今天時已熱兵氣相蒸至
於飢渴疲勞疫疾暴露衣甲暑濕弓箭瘡
痍上有赤日前有白刃驅以就戰人何以
堪縱不惜身亦難忍苦沉神策官健又最
為雜以城市之人例皆不慣如此忽思生
路或有奔逃一人若逃百人相扇一軍若
散諸軍必搖事忽至此悔將何及此其為

疾飢

亦作交

可有之

陛下深憂者一也臣伏聞迴鶻吐蕃皆有
細作中國之事小大盡知今聚天下之兵
唯討承宗一賊自冬及夏都未立功則兵
力之強弱資費之多少豈宜使西戎北虜
一一知之忽見利生心承虛入寇以今之
勢力可能救其首尾哉兵連禍生何事不
有萬一及此實關安危臣每思之憂入骨
髓此其為陛下深憂者二也伏惟詳臣此
狀察臣此心審賜裁量速有處分如此則

費作
貴
承作乘
日有之

是陛下社稷宗廟之福不獨天下幸甚謹具奏聞。

請罷兵第三狀

請罷恒州兵馬事宜

右臣所請罷兵前後已頻陳奏今日事勢又更不同比來日月漸深憂惶轉甚若不極慮若不切言是臣懼罪惜身上負陛下伏希聖鑒憐察血誠知臣心如此更詳此狀臣伏以行營近日事體陛下——具知

謹奏

從魏博
三守有之

師道今收棣州至今竟未奉詔至於表章詞意近者亦甚乖宜季安等心元不可測與賊計會各收一空縣而已相顧拱手便休聞昨者澤潞潰散健兒其間有入魏博却投邢州者季安追捉並按軍令昨所與詔都不稟承據此情狀略無形迹但恐今日已後此輩無不辨爲又比來所望有功效只在南北兩道今北道希朝等屯軍向欲半年過新市一鎮未得茂昭又稱兵少特

訪有之
曠作曠

地方請加兵則南道勢力今亦可見北道承璫竟未立功元陽新到邢州又奏兵數至少請諸軍兵馬議不可抽假使承璫等竭力盡忠終恐不副聖意據此事勢萬無成功陛下猶未罷兵不知更有何所待臣伏恐劉濟近自情似盡忠今忽罷兵慮傷其意以臣所見理固不然劉濟大姦過於群輩外雖似順中不可知有功無功進退獲利初聞罷討或可有詞見雪恒州必私

懷喜何則與承宗本末之勢同也假令劉濟實忠實盡陛下難阻其心猶須計量重輕捨小圖大豈緣劉濟一人惆悵而不顧天下遠圖況今事情又不至此伏望聖意斷之不疑臣昨者以軍久無功時又漸熟人不堪命慮有奔逃前狀之中已具陳奏今果聞神策所管徐泗鄭滑兩道兵馬各有言語似少不安臣自聞之不勝憂切一軍若不寧帖必扇諸軍之心自此動搖何

慮不有事忽至於此者則陛下求不罷討
得乎一種罷兵何如早罷必待事不得已
然後罷之只使陛下威權轉銷天下模樣
更惡如此事勢皆在目前只合逆防不合
追悔今盧從史已歸罪左降王承宗又乞
雪表來元陽方再整本軍劉濟且引兵欲
進因此事勢正可罷兵赦既有名罷猶有
勢若又此時不罷臣實不測聖心臣伏料
陛下去年初銳意用兵之時必謂討承宗

如討劉闢李錡兵合之後坐見誅擒豈料
遷延經年如此然則始謀必剋猶不可知
後事轉難更何所望至於竭府庫以富河
北諸將虛中國以使戎狄生心可爲深憂
可爲痛惜已具前奏不敢再陳況今日已
前所惜者威權財用今日已後所憂者治
亂安危國家有天下二百年陛下承宗社
十一葉豈得以小忿而忘國家大計豈得
以小恥而忘宗社遠圖伏願聖心以此爲

慮臣前後已獻三狀不啻千言詞既繁多語亦懇切陛下若以臣所見非是所言非忠況又塵黷不休臣即合便得罪若以臣所見爲是所言爲忠則陛下何忍知是不從知忠不納不然則臣合得罪不然則陛下罷兵伏望讀臣此狀一二十遍斷其可否速則處分臣不勝負憂待罪懇迫兢惶之至謹奏

論嚴綬狀

奉宣令依中書狀撰制除嚴綬江陵節度使

右臣伏以趙宗儒衆稱清介有恒嚴綬衆稱怯懦無恥二人臧否優劣相懸宗儒自到江陵雖無殊政亦聞清淨境內頗安縱要改移即合便擇勝宗儒者且嚴綬在太原之事聖聰備聞天下之人以爲談柄陛下罷其節制追赴朝廷至今人情以爲至當今忽再用又替宗儒臣恐制書下後無

不驚歎兼邪人得計正人憂疑大乖群情
深損朝政臣前後所奉宣撰制若非甚不
可者亦不敢切論今此除授實甚不可伏
望聖意更賜裁量其制未敢便撰伏待聖
旨謹奏

論孟元陽狀

奉宣令依中書狀撰制除孟元陽右
羽林軍統軍仍封趙國公食邑三千
戶

右臣伏以孟元陽澱水有功河陽有政自
到澤潞戎事頗修但以老年事須與替比
諸流輩事迹不同今所除官合加優獎昨
者范希朝在太原日昏耄不理人情共知
及除統軍衆猶謂屈今元陽事迹不同希
朝又除統軍恐似更屈雖加封爵悉是虛
名況元陽功效忠勤天下有數今以無能
者一例除改無所旌別臣恐今日已後無
以勸人以臣所見若改除金吾大將軍輕

重之間實爲得所只如柳惟晨李簡之輩
有何功業合比元陽猶居此官動逾年歲
伏望聖慈以此裁量其制未敢依中書狀
便撰謹具奏聞伏待聖旨謹奏

謝官狀

新授將仕郎守左拾遺翰林學士臣
白居易

新授朝議郎守尚書庫部員外郎翰
林學士雲騎尉臣崔群

右臣等伏奉恩制除前件官今日守謙奉
宣進旨特加慰諭并賜告身者聖慈曲被
寵命猥加俯以拜恩跪而受賜蹈舞離次
驚惶失圖伏以郎吏諫官古今所重位當
星象職在箴規皆須聞望清方行實端慤
然可以佐彌綸於草昧能正其詞盡獻納
於藹言必直其節苟輕所選實忝厥官臣
等學識庸虛才質愚懦自居近職忝冒已
深沉超擢榮班慙惶交至初授殊常之寵

聞實若驚再思難報之恩感而欲泣唯當
奮勵駑鈍補拾闕遺中誓赤誠上酬玄造
俯伏憂愧若無所容無任感恩兢惕之至
謹奉狀陳謝以聞謹奏

奏陳情狀

翰林學士將仕郎守左拾遺臣白居易

易

右今日守謙奉宣聖旨以臣本官合滿欲
議改轉知臣欲有陳露令臣將狀來者臣

有情事不敢不言伏希聖慈俯察愚懇臣
母多病臣家素貧甘旨或虧無以爲養藥
餌或闕空致其憂情迫於中言形於口伏
以自拾遺授京兆府判司往年院中曾有
此例資序相類俸祿稍多儻授此官臣實
幸甚則及親之祿稍得優豐荷恩之心不
勝感激輒敢塵黷無任兢惶謹具奏陳伏
待聖旨

謝官狀

新授京兆府戶曹參軍翰林學士白
居易

右伏奉恩制除臣前件官今日守謙奉宣
聖旨特加慰諭兼賜告身者俯偃拜恩怵
惕受命戰越跼迹驚惶失容蹈舞屏營不
知所據臣叨居近職已涉四年自顧庸昧
無裨明聖塵忝歲久憂慙日深沉於官祿
之間豈敢有所選擇但以位卑俸薄家貧
親老養闕甘馨之費病乏藥石之資人子

之心有所不足昨蒙聖念雖許陳情敢望
天恩遽從所欲况前件官位望雖小俸料
稍優臣今得之勝登貴位此皆皇明俯察
玄造曲成念臣爲子之誠賜臣及親之祿
臣所以撫心知愧因事吐誠烏烏私情得
盡歡於展養犬馬微力誓効死以酬恩榮
幸不止於一身感戴實深於萬品無任荷
恩抃躍之至

謝蒙恩賜設狀

右今日守謙奉宣聖旨以臣初入院特賜設者臣生長窮賤才質孱微草野鄙夫風塵走吏豈期聖造選在禁闈煦以天慈賜以御食臣所以凌兢受命俯伏荷恩心魂不寧手足無措況樽開九醞饌列八珍惠過加籩榮優置醴金壘引滿將王澤而共深玉饌屬厭與聖德而俱飽終食且歎捫心自驚戰汗慙惶隕越于下謹奉狀陳謝以聞謹奏

謝恩賜衣服狀

右今日守謙奉宣聖旨以臣初入院特賜衣服者臣自入禁司纔經旬月未陳薄効累受殊私况前件衣服等獻自遠方降從御府既鮮華而駭目亦輕煖而便身臣實何人堪此榮賜臣必擬祕藏篋笥傳示子孫何則顧陋質而懷慙貌非稱服撫微軀而荷寵力不勝衣因物感恩無任愧懼謹奉狀

三月三日謝恩賜曲江宴會狀

右今日伏奉聖恩賜臣等於曲江宴樂并賜茶果者伏以暮春良月上巳嘉辰獲侍宴於內庭又賜歡於曲水蹈舞跼地歡呼動天况妓樂選於內坊茶果出於中庫榮降天上寵驚人間臣等謬列近司猥承殊澤捧觴知感終宴懷慙肉食無謀去展涓埃之効素飡有愧難勝醉飽之恩以此兢惶未知所報謹奉狀陳謝以聞謹奏

九月九日謝恩賜宴曲江會狀

右臣今日伏奉進旨賜臣等於曲江宴會特加宣慰并賜酒脯等者伏以重陽令節大有豐年賜宴於無事之朝追歡於最勝之地况天厨酒脯御府管絃寵賜忽降於寰中慶幸實生於望外仍加慰諭曲被耀華臣等各以凡才同參密職幸偶休明之日多承飲賜之恩樂感形骸歡容動而成舞澤均草木秋色變以為春徒激丹心豈

報玄澤謹奉狀

臘日謝恩賜口蠟狀

右今日蒙恩賜臣等前件口蠟及紅雪澡豆等仍以時寒特加慰問者伏以時逢臘節候屬祁寒豈意聖慈不忘微賤念嚴凝而加之煦嫗慮輝疥而潤以脂膏喜氣動中歡容發外挾續之恩所勉和則體舒不龜之澤既霑感而手舞臣等省躬懷愧因物諭情豈止飲德瑩心唯驚寵賜必擬澡身勵節以答鴻私感躍之誠倍萬恒品謹具奏聞謹奏

中和日謝恩賜尺狀

右今日奉宣賜臣等紅牙銀寸尺各一者伏以中和屆節慶賜申恩當晝夜平分之時頒度量合同之令况以紅牙爲尺白銀爲寸羨而有度煥以相宜逮下明忖度之心爲上表裁成之德慶澤所及歡心畢同臣等塵忝日深寵錫歲至雖恩光下濟咫尺

尺之顏不違而尺素內慙分寸之功未効
捧受愧畏倍萬恒情謹具奏聞謹奏

謝清明日賜新火狀

右今日高品官唐國珍就宅宣旨賜臣新
火者伏以節過藏煙時當改火助和氣以
發滯表皇明以燭幽臣顧以賤微荷茲榮
耀就賜而照臨第宅聚觀而光動里閭降
實自天非因榆柳之燧仰之如日空傾葵
藿之心徒奉恩輝豈勝欣戴

謝恩賜冰狀

右今日奉宣旨賜臣等冰者伏以頒冰之
儀朝廷盛典以其非常之物用表特異之
恩況春羔之薦時始因風出當夏蟲之疑
日忽自天來煩暑迎消涼颿隨至受此殊
賜臣何以堪欣駭慙惶若無所措但飲之
慄慄常傾受命之心捧之兢兢永懷履薄
之戒以斯惕厲用答皇慈謹奉狀陳謝以
聞

謝賜新曆日狀

右今日蒙恩賜臣等前件新曆日者臣等拜手蹈舞鞠躬捧持開卷投時見履端之有始披文閱處知御曆之無窮慶賀既深感戴無極謹奉狀陳謝

謝恩賜茶果等狀

右今日高品杜文清宣進旨以臣等在院修撰制問賜茶果梨脯等曲蒙聖念特降殊私慰諭未終錫賚旋及臣等慙深曠職

寵倍驚心述清問以修詞言非盡意仰皇慈而受賜力豈勝恩徒激丹誠詎酬玄造謝賜設及匹帛狀

右今日高品劉全節奉宣進旨以臣等在院覆策畢特加慰問并賜設及匹帛者臣等職在掌文詔令考策雖竭鄙昧猶懼闕遺豈意皇鑒下臨聖慈曲至惠加賜食榮及承匡寵厚縑緡仰難勝於玄貺恩深醉飽退有愧於素餐徒積慙惶何酬慶賜

社日謝賜酒餅狀

右今日蒙恩賜臣等酒及蒸餅餠餅等伏
以時唯秋社慶屬年豐頒上尊之酒漿賜
太官之餅餌既非舊例特表新恩空荷皇
慈豈伸丹慊謹奉狀陳謝

白氏文集卷第四十二

白氏文集卷第四十三

奏狀三 凡七首

論重考科目人狀

舉人自代狀

論重考試進士事宜狀

讓綃狀

論左降獨孤朗等狀

論行營狀

論姚文秀打殺妻狀

論重考科目人狀

今年吏部應送科目及平判人所試文書等

右臣等奉中書門下牒稱奉進旨令臣等重考定聞奏者臣等竊有所見不敢不奏伏以今年吏部科第不置考官唯遣尚書侍郎二人考試吏部事至繁劇考送固難精詳所送文書未免瑕病臣等若苦考覆退者必多韓臯累朝舊臣伏料陛下不能

以小事致責臣等又以朝廷所設科目雖限文字其間收採兼取人材今吏部祇送十人數且非廣其中更黜落亦恐事體不弘以臣所見兼請不考已得者不妨微俸不得者所勝無多貴收人材務存大體伏乞以臣等此狀宣付宰臣重賜裁量伏聽進旨

元和十五年十二月十三日重考定科目官將仕郎守尚書司門員外郎臣白

居易等狀奏

重考定科目官將仕郎守尚書祠部員外郎上護軍臣李虞仲

舉入自代狀

中書省朝議郎權知尚書兵部郎中騎都尉楊嗣復

右臣伏准建中元年正月五日勅文武常參官上後三日舉一人自代者伏以前件官有辯政之學有體要之文文可以掌王

言學可以待顧問名實相副輩流所推選備侍臣參知制命酌其宜稱誠合在先臣既諳詳輒舉自代謹具聞薦伏聽勅旨

長慶元年正月四日新授朝議郎守尚書主客郎中知制誥臣白居易狀奏

論考試進士事宜狀

右臣等伏料自欲重試進士已來論奏者甚衆伏計煩黷聖聽之外必以爲或親或故同爲黨庇臣今非不知此但以避嫌事

小隱情責深所以冒犯天威不敢不奏伏
希聖鑒試詳臣言伏以陛下慮今年及第
進士之中子弟得者僥倖平人落者受屈
故令重試重考此乃至公至平凡是平人
孰不慶幸況臣等才識淺劣謬蒙選充考
官自受命已來夙夜惶懼實憂愚昧不副
天心敢不盡力竭誠苦考得失其間瑕病
纖毫不容猶期再三知臣懇盡然臣等別
有愚見上禪聖聰反覆思量輒敢密奏伏

特
准禮部試進士例許用書策兼得通宵得
通宵則思慮必周用書策則文字不錯昨
重試之日書策不容一字大燭祇許兩條
迫促驚忙幸皆成就若比禮部所試事校
不同雖詩賦之間皆有瑕病在與奪之際
或可矜量儻陛下垂仁察之心降特達之
命明示瑕病以表無私時全身名以存大
體如此則進士等知非而愧耻其父兄等
感激而戴恩至於有司敢不懲革臣等皆

蒙寵擢又忝職司實願禪補聖明敢不罄竭肝膽謹具奏聞伏待聖裁謹奏

長慶元年四月十日重考試進士官朝議郎守尚書主客郎中知制誥臣白居易等奏

重考試進士官朝散大夫守中書舍人上輕車都尉臣王起

讓絹狀 長慶元年八月十三日進恩賜田布與臣人事絹五百匹

右田布以臣宣諭進旨敬命荷恩遂與臣前件絹臣不敢受尋以奏陳昨自中使第五文岑就宅奉宣令臣受取者臣已當時進狀陳謝訖感戴聖恩昨日不敢不謝酌量事理今日不敢不言臣家素貧非不要物但以昨者陛下遣臣宣諭田布不同常例田布今日之事不同諸家何者未報父讎未雪國耻凡人有物猶合助之况取其財有所不忍又昨除田布魏博節度制中

誠云一飯之飽必均於士卒一毫之費必用於戈矛今以五百匹絹與臣臣若便受則是有違制命不副天心臣又以凡節將之臣發軍討叛大費雖資於公給小用亦籍其家財今陛下欲使田布誓心報讎捐軀殺賊伏料宜諭慰問使者道路相望若奉使之入悉須得物臣恐鎮州賊徒未殄田布財產已空欲救將來乞從臣始此則求田布物者必息而田布感聖渥倍深

責其成功必有可望臣食國家厚祿居陛下清官每月俸錢尚慙尸素無名之貨豈合苟求伏願天鑒照臨知臣不是飾讓臣又非不知如此小事不合塵黷尊嚴心實不安不敢不奏其前件絹臣尋已却還田布伏乞聖慈許臣不取仍望宣示田布令知聖恩謹錄奏聞伏待進旨

論左降獨孤朗等狀 長慶元年十

二月十一日奏

都官員外郎史館修撰獨孤朗可富州
刺史起居舍人溫造可朗州刺史司勳
員外郎李肇可澧州刺史刑部員外郎
王鎰可郢州刺史

右今日宰相送詞頭左降前件官如前令
臣撰詞者臣伏以李景儉因飲酒醉詆忤
宰相既從遠貶已是深文其同飲四人又
一例左降臣有所見不敢不陳伏以兩省
史館皆是近署聚飲致醉理亦非宜然皆

貶官即恐太重況獨孤朗與李景儉等皆
是僚友旦夕往來一飯一飲蓋是常事景
儉飲散之後忽然醉發自猶不覺何況他
人以此矜量情亦可恕臣又見貞元之末
時政嚴急人家不敢歡宴朝士不敢過從
衆心無謬以爲不可自陛下臨御及此二
年聖慈寬和天下欣戴臣恐此詔或下衆
情不免驚憂兼恐朝廷官寮從此不敢聚
會四方諸遠不知事由奔走流傳事體非

便伏惟宸鑒更賜裁量免至貶官各令罰
俸感恩知失亦足戒懲臣不揆蠢愚輒敢
塵黷豈不懼罪豈不惜身但緣進不因入
出於聖念自忠州刺史累遷中書舍人已
涉二年一無裨補夙夜慙惕實不自安前
後制勅之間若非甚不可者恐煩聖聽多
不備論今者所見若又不奏是圖省事有
負皇恩伏希天慈以此詳察知臣所奏不
是偶然其獨孤朗等四人出官詞頭臣已
封訖未敢撰進伏待聖旨

論行營狀 應緣鎮州行營利害事
宜謹具如後

一請專委李光顏東面討逐委裴度四
面臨境招諭事

右臣等伏見自幽鎮有事已來詔大原魏
博澤潞易定滄州等五道節度各領全軍
又徵諸道兵馬計七八十萬四面圍繞已
逾半年王師無功賊勢猶盛弓高已失深

州甚危者豈不以兵數太多反難爲用節將太衆則心不齊莫肯率先遞相顧望又以朝廷賞罰近日不行未立功者或先封官已敗衄者不聞得罪既無懲勸以至遷延若不改張必無所望今李光顏既除陳許節度盡領本軍伏請抽諸道勁兵通前約與三四萬人從東速進開弓高糧路合下博諸軍解深邢重圍與元翼合勢令裴度領大原全軍兼招討舊職四面壓境觀釁而動若乘虛得便即令同力剪除若戰勝賊窮亦許受降納款如此則鎮州夾攻以分其力招諭以動其心未及誅夷自生變改况光顏久諳戰陣素有威名裴度爲人忠勇果決加以明懸賞罰使其憂責在身事勢驅之自須死戰若比向前摸樣用命百倍相懸破賊責功無出於此况大原興王之地天下勁兵今既得人足當一面以此計度無如二人

一請抽揀魏博澤潞易定滄州四道兵馬分付光顏事

右伏請詔光顏於前件四道揀選馬步精銳者每軍各取三四千人並令光顏專統一則籍其兵力討襲鎮州二乃每軍抽人不爲不用其餘放去理亦無妨况今守疆亦足展効或聞澤潞魏博兵馬同討淮西之時素諳光顏勤恤將士必樂爲用可望成功今光顏得到下博後即陳許先有八

千人昨又發三千人光顏又領鳳翔馬軍一千三百人加以徐泗鄭滑河陽等軍悉皆勁銳堪用况兼魏博等四道所抽兵馬約有三四萬人盡付光顏足以成事其襄陽陝府東都汝州等道兵馬仍委光顏揀擇可否若不堪用不如放還豈唯虛費資糧兼恐撓敗軍陣今既祇留東西二帥請各置都監一人諸道兵馬監軍伏請一時停罷如此則衆齊令一必有成功

一請勤魏博等四道兵馬却守本界事
右伏以朝廷本用田布之意以弘正遇害
令報父讎望其感激衆心先立功效今領
全師出界供給度支數月已來都不進計
非田布固欲如此抑有其由或聞魏博一
軍累經優賞兵驕將富莫肯爲用况其軍
一月之費計實錢貳拾漆捌萬貫今天下
百計求取不足充其數月衣糧若且依前
將何供給則不如使退守本境自供給衣

糧省費之間利害明矣其澤潞易定等雖
經接戰勝負略均且昭義全軍收臨城一
縣不得則其兵力亦可知矣滄州新經敗
挫叔良又乏將謀勢不支任必無可望今
請魏博等四道各歸本界嚴守封疆如此
則不獨減無用之兵亦可以省有限之費
就中魏博尤要退軍虛費費糧最可痛惜
一請省行營糧料事
右伏以行營最切者豈不以國用將竭軍

費不充更至春夏已來實恐計無所出今
若兩道共留六萬其餘退食本道衣糧即
每月所費僅減其半一月之用可給兩月
唯供六萬所費無多既易支持自然豐足
責其死戰敢不盡心臣以爲當今至切無
過於此

一請因朱克融授節後速討王庭湊事
右克融庭湊同惡相濟物情事理斷在不
疑今朝廷特赦克融新授節鉞縱終助援

此
必恐遲疑當逗留克融之時是經營庭湊
之日遲則心固久則計成三數月間須有
次第廷引入夏轉難用兵今正是時時不
可失以臣等所見謹具如前伏以行營今
日事宜真可謂急危極矣其間變改故遠
不可知但恐如今救已遲晚若猶可及無
出於斯何者苟兵數不抽軍費不減食既
不足衆何以安不安之中何事不有伏料
陛下覽臣此狀必有二疑一者以臣等悉

是儒生不諳兵事縱知誠懇的未信行臣亦以此自疑久未敢奏今既事切不敢不言若攻戰機宜非臣所習而軍國利害雖愚亦知況察群情兼聽衆議與臣此奏所見多同伏望不以臣等儒生輕而不用也二者伏恐行營事勢奏報不真皆云賊徒計日合破又陛下以制置既久難於改移前事若得其宜即合旋有成績至今既無次第安得不務改圖古人云收之桑榆事

猶未晚若因循且過即救療轉難臣又切有過憂敢不盡吐肝肺實恐軍用不濟更須百計誅求日引月加以至困極今天下諸色錢內每貫已抽減三百茶鹽估價有司並已增加水陸關津四方多請率稅不許即用度交闕盡許則人心無懼自古安危皆繫於此伏乞聖慮察而念之不以重改移忽於大計也臣等又憂深州久圍救兵不至弓高新陷糧道未通下博諸軍致

於窮地光顏兵少欲入無由外即救援不
來內即餓糧罄竭各求生路難向死門無
可柰何忽然奔散即聖心雖悔其可及乎
其鑒不遙在貞元中韓全義五樓之敗是
也伏望陛下詳臣此狀思臣此言若以爲
然速賜裁斷臣等受恩日久憂國情深志
在懇切言無方便伏望聖鑒俯察愚衷無
任感激悃款之至謹同詣延英門進狀以
聞伏聽勅旨謹奏

誰

長慶二年正月五日朝散大夫守中書
舍人上柱國臣白居易狀奏

論姚文秀打殺妻狀 長慶二年五

月十日奏

據刑部及大理寺所斷准律非因鬪爭無
事而殺者名爲故殺今姚文秀有事而殺
者則非故殺據大理司直崔元式所執准
律相爭爲鬪相擊爲毆交鬪致死始名鬪
殺今阿王被打狼籍以致於死姚文秀檢

驗身上一無損傷則不得名爲相擊阿王
當夜已死又何以名爲相爭既非鬪爭又
蓄怨怒即是故殺者右按律疏云不因爭
鬪無事而殺名爲故殺此言事者謂爭鬪
之事非該他事今大理刑部所執以姚文
秀怒妻有過即不是無事既是有事因而
毆死則非故殺者此則唯用無事兩字不
引爭鬪上文如此是使天下之人皆得因
事殺人殺人了即曰我有事而殺非故殺

也如此可乎且天下之人豈有無事而殺
人者足明事謂爭鬪之事非他事也又凡
言鬪毆死者謂事素非憎嫌偶相爭鬪一
毆一擊不意而死如此則非故殺以其本
原無殺心今姚文秀怒妻頗深挾恨既又
毆打狼籍當夜便死察其情狀不是偶然
此非故殺孰爲故殺若以先因爭罵不是
故殺即如有謀殺人者先引相罵便是交
爭一爭之後以物毆殺了即曰我因事而

殺非故殺也。又如此可乎？設使因爭理猶不可。況阿王已死，無以辯明。姚文秀自云相爭，有何憑據？又大理寺所引劉士信及駱全儒等毆殺人事，承前寺斷不爲故殺。恐與姚文秀事其間情狀不同。假如略同，何妨誤斷？便將作例，未足爲憑。伏以獄貴察情，法須可久。若崔元式所議，不用大理寺所執，得行實，恐被毆死者自此長冤。故殺人者從，今得計謹同參酌，件錄如前奉。

勅姚文秀殺妻罪在十惡，若從宥免，是長兇惡。其律縱有互文在理，終須果斷。宜依白居易狀委所在，決重杖一頓處死。

白氏文集卷第四十三

白氏文集卷第四十四

奏狀四表附

爲宰相賀赦表

爲宰相請上尊號第二表

爲宰相讓官表

爲宰相賀雨表

爲宰相賀殺賊表

賀雲生不見日蝕表

爲崔相陳情表

忠州刺史謝上表

賀平淄青表

賀上尊號後大赦表

杭州刺史謝上表

為宰相謝恩賜酒脯餅果等狀

為宰相謝恩賜吐蕃信物銀器錦綵等

狀

為段相謝恩賜設及酒脯等狀

為段相謝借飛龍馬狀

為段相謝手詔及金刀狀

為宰相謝官表

為宰相賀赦表

長慶元年正月就

南郊撰進

臣某等言伏奉今日制書大赦天下者臣

與百執事奉揚宣布與億兆眾蹈舞歡呼

自天降和率土同慶臣等誠歡誠忭頓首

頓首伏惟皇帝陛下出震御極建元發號

大明升而六合曉一氣熏而萬物春肆眚

長慶元年正月就

其

措刑滌瑕蕩穢凡在圓首納於歡心矧又
祇祀天地孝享宗廟蠲減租責策徵賢良
褒德及先賞功延嗣敬賓養老念舊睦親
生人之積弊盡除有國之頽綱必舉况陛
下承二百祀鴻業之重纂十一聖耿光之
初始奉嚴禋新開寶曆天下之目專專然
觀陛下之動天下之耳顚顚然聽陛下之
言斯則陛下出一言不終日必達於朝野
舉一事不浹辰必聞於華夷當疲人求安

聖在程

思理之秋是陛下敬始慎微之日苟行一
善則可以動人聽而式歌舞况具衆美信
足以感人心而致和平康哉可期天下幸
甚臣等謬居重位幸屬鴻休慙竊股肱喜
深骨髓歡欣悚躍倍萬常情無任鼓舞慶
幸之至

其有

位作位
鳴作洪

為宰相請上尊號第二表

長安元年正月日具侍臣其二等上表

臣某等言今月二十四日臣等已陳表章
請上尊號愚誠雖懇聖鑒未迴躋地跼天

果

不勝大願。臣等誠惶誠恐，頓首頓首。臣聞大道者，無求於物，物尊而不辭，至公者非欲其名，名生而不讓。故與天合德，不辭故率土歸心；斯所謂應乎天而順乎人者也。伏惟皇帝陛下，嗣興一德，統牧萬方，致時俗之和平，納生靈於富壽。金革已偃，銷七十載之厲階；玉燭方調，啓一千年之聖運。天人合應，書軌混同，而鴻名未加，盛典猶缺。華夷失望，史策無光。此誠君上之謙，然

某有

不讓

之作於

策作冊

亦臣下之罪也。今臣所以上稽天意，下酌人情，再黷皇明，重陳丹慊。臣謹按書曰：思作睿睿作聖。又曰：乃聖乃神，乃武乃文。經曰：明王以孝治天下。凡此五者，歷觀列辟，雖甚盛德，莫能兼之。伏以陛下自即大位，及此二年，無巾車汗馬之勞，而坐平鎮冀，無亡弓遺鏃之費，而立定幽燕，仁和一薰，獷鷩盡化。可不謂睿文乎？削平天下，震耀八荒，北虜求婚，以稟命；西戎乞盟，而納款。

皇作聖

治作理

此作茲

重作重

威靈四及，奔走來賓，可不謂神武乎？陛下以萬乘之尊，四海之富，供養長樂，道光化，成推而置之，可塞天地，可不謂孝德乎？故臣等敢冒死稽首上尊號曰睿文神武孝德伏惟陛下略撝謙之小節，弘祖宗之大猷，惟十一聖在天，豈忘繼其志以億兆人爲子寧，忍阻其心，特廻宸衷，俯受徽號，在玄功不爲主宰於盛德，有所形容，煥乎大哉，垂裕無極，此實天下之幸甚，非獨臣之

推作推

皇帝

甚死之

幸也。臣等無任誠願懇禱之至。

爲宰相讓官表

臣某言，伏奉今日制書，授臣某官同中書門下平章事者，寵擢非次，憂惶失圖，躄地跼天，不知所措。臣某誠兢誠惕，頓首頓首。臣聞上理陰陽，下平法度，外撫夷狄，內親黎元，使百官各修其職，一物不失其所，此宰相之任也。臣有何功德，有何才能，越次超倫，忽承此命，下乘人望，上紊朝經，致寇

稿作數

速尤無甚於此臣謬因文學忝列班行先朝乏人擢居內職星霜屢改爵秩驟加未逾十年忽登相位名浮於實任過其才豈唯覆餗是憂實累知人之鑒况陛下肇開曆數將致升平輔弼之臣尤宜慎擇臣粗知古今敢言本末樞衡要地初不得人則理化勞心終無成日此所以重陳手疏再瀝血誠乞迴此官別授能者臣若得請便不負恩情見於辭非敢飾讓皇天白日實

若百之

鑒臣心無任懇款屏營之至謹奉表陳讓以聞

為宰相賀雨表

臣某言臣聞聖明在上刑政叶中則天地氣和風雨時若常聞其語今見其時臣某等誠歡誠躍頓首頓首臣伏以陰陽氣數盈縮相隨去秋多霖今春少雨宿麥猶茂農功未妨陛下念物憂人先時戒事靡神不舉有感必通故雲出于山月離于畢初

常正書

灑塵以霖霖漸破塊而霽霏圃田疇無
不霑足雨之所致臣知其由自上而來雖
因天降從中而得實與心期發於若厲之
誠散作如膏之澤凡在率土孰不懽心臣
等位忝鈞衡職乖燮理仰陰陽而增懼顧
霖雨而懷慙無任兢惕之至

為宰相賀殺賊表

臣某等言伏承某道逆賊某乙某月某日
已被某殺戮訖皇靈震耀兇孽梟夷率土

謹奉
表陳
賀以
列有

普天歡呼鼓舞臣等誠喜誠忭頓首頓首
臣聞亂臣賊子阻兵干紀者明則有天討
幽則有鬼誅遲速之間罔不殲殄伏惟文
武孝德皇帝陛下君臨八表子育群生合
天覆地載之德順春生秋殺之令宿寇遺
孽闐然銷亡四海九州廓然清晏逆賊某
乙一介賤隸兩河叛人苞藏禍心竊弄凶
器戕害主帥虔劉善良幕鸞鼎魚偷活頃
剋顛木之餘枿瘞疽之遺種斧斨欲加而

某有
作作

斨斨
所謂
斨斨

先折鐵石未攻而自潰不有弔伐孰知德
威不有妖氛孰知神筭則天下之心有以
知順存逆亡其猶影響者也臣伏以某乙
既以斬首某乙將何保身若不乞降即應
生變輔之或在車則相依皮既不存毛將
安附況我乘破竹彼繼覆車止戈之期翹
足可待無任喜慶忭躍之至

賀雲生不見日蝕表 為宰相作

臣某等言臣聞堯湯之逢水旱陰陽定數

也宋景之感熒惑天人相應也蓋天地大
統不能無災皇王至誠可以銷慝嘗聞此
說今偶其時臣等誠欣誠幸頓首頓首伏
見司天臺奏今月一日太陽虧者陛下舉
舊章下明詔避正殿降常服禮行於已心
禱于天天且不違物寧無應况正陽月朔
亭午時中和氣周流密雲布護蒙然暫蔽
赫矣復明屏翳朝隳但驚若煙之涌曜靈
晝掩不見如月之初所謂誠至於中而感

自得未
之此四
有之

以作已
乙作甲

作作并

屏乍群
致有

通於上者也。臣等敢不再陳事理，重考徵祥三光，忌盈必有時蝕，萬物莫覩與無災同慶，生交感之間，喜浹照臨之內，雖卿雲五色，瑞景再中，除沴致祥，曾何足比。百辟伏賀，萬人仰觀，事彰天鑒，孔明道配日新，其德臣等幸遭昌運，謬荷殊私，皆乏濟時之才，同居待罪之地，日月薄蝕，自慙變理無功，山川出雲，實賴聖明，有感感賀，忻戴倍萬，常情無任忭躍竦踴之至。

為崔相陳情表

臣植言：臣有情事，久未敢言。今輒陳露，伏增戰灼。臣亡父某官，亡妣某氏，是臣本生亡伯某官某，贈某官。臣今承後建中初德宗皇帝念臣亡伯位高無後，以猶子之義命臣繼紹，仍賜臣名嗣襲。雖移孝思，則在上荷君命，永承繼絕之宗。中奪私恩，遂阻劬勞之報。歲月曠久，情禮莫申。自去年已來，累有慶澤，凡在朝列，再蒙追榮。或有陳

婦作輕

此作此

幸作幸

常作象
忭作忭

其有之
四字細
字下

年作今

長泰二年二月七日朝請
大夫字中書
侍中同中書
門下字中書
臣崔植上表

乞皆許迴授况臣猥當寵擢謬陟台階爵
祿之榮實有踰於同輩顯揚之命獨未及
於先人飲泣茹悲哀慙兩極臣今請以在
身官秩并前後合叙勲封特乞聖慈迴充
追贈儻免所請無幸於斯則臣烏鳥之心
猶再生而展養犬馬之力誓萬死以酬恩
踏地仰天不勝感咽披陳誠懇煩黷宸嚴
無任惶懼激切之至謹奉表陳露以聞

忠州刺史謝上表

臣某言臣以去年十二月二十日伏奉勅
旨授臣忠州刺史以今月二十八日到本
州當日上訖殊恩特獎非次昇遷感戴驚
惶隕越無地臣誠喜誠懼頓首頓首臣性
本踈愚識惟偏狹早蒙採錄擢在翰林僅
歷五年每知塵忝竟無一事上答聖明及
移秩宮寮卑冗踈賤不能周慎自取悔尤
猶蒙聖慈曲賜容貸尚加祿食出佐潯陽
一志憂惶四年循省晝夜飲食未嘗敢安

竊作第
陳作列

西作因

充作死

昇作元
榮作有
隕作殞

官作官

飲作禮

負霜枯葵雖思向日委風黃葉敢望霜春
豈意天慈忽加詔命特從佐郡寵授專城
喜極魂驚感深泣下方今淮蔡底定兩河
又寧臣得為昇平之人遭遇已極况居符
竹之寄榮幸實多誓當負刺慎身履水厲
節下安凋瘵上副憂勤未死之間斯展微
効跼身地遠仰首天高蟻螻之誠伏希矜
察無任感激懇款彷徨之至謹遣某官某
乙奉表陳謝以聞臣某誠惶誠恐頓首頓

首謹言

元和十四年三月二十八日

賀平淄青表

臣某言伏見二月二十二日制書逆賊李
師道已就梟戮者皇靈有截睿筭無遺妖
氛廓清遐邇慶幸臣某誠歡誠喜頓首頓
首臣聞亂常干紀天殛神誅李師道苞藏
禍心暴露逆節罪盈惡稔衆叛親離未勞
師徒自取擒戮伏惟睿聖文武皇帝陛下
文經天地武定華夷凡是猖狂無不誅剪

季作姿

又作又

斯作佐

怜作憐

某臣

去

氛作氣

殛作極

奉表陳賀以
列臣某誠惶
誠恐頓首頓
首謹言有

臣其誠敬誠
并頓首頓首
有

兩河清晏四海會同昇平之風實自此始
臣名參共理職忝分憂忭舞歡呼倍萬常
品守官有限不獲稱慶闕庭無任慶快踊
躍之至謹具奏聞謹奏 元和十四年四
月九日

具銜忠烈刺史臣白居易上表

賀上尊號後大赦天下表

臣某言伏奉七月十三日制書大赦天下
跪捧宣布蹈舞歡呼自天降休率土同慶
臣聞玄功盛德非鴻名不能形容物屬人

中謝
臣

作并

疵非皇澤不能滌蕩自非上聖莫能兼之
伏惟元和聖文神武法天應道皇帝陛下
纂承大業子育群生信及豚魚威殲梟獍
削平寰海混一車書億兆一心願崇大號
從人欲而俯膺盛禮賜時和而廣洽皇恩
蠲減賦租收拔淹滯命黜陟而別能否開
諫議而策賢良宿弊必除舊章咸舉帝王
能事盡集於今凡在生靈孰不幸甚臣謬
當委擢職在頒條忭躍之誠倍萬常品限

臣

詠

在作奉
頌作詔
帝在恒

作并
常作恒

天下

謹奉表陳質
以副臣其誠
敬誠言其
首頓首謹言

其下
誠誠懼
頓首

以守官不獲稱慶闕庭無任慶忭之至

杭州刺史謝上表

元和十四年八月十日將任事便持等忠烈請
軍宜守忠烈刺史臣白居易上表有之

臣某言去七月十四日蒙恩除授杭州刺
史屬汴路未通取襄漢路赴任水陸七千
餘里晝夜奔馳今月一日到本州當日上
任訖上分憂寄內省庸虛仰天戴恩跼地
失次臣某臣謬因文學忝廁班行自先朝
黜官已來六年放棄逢陛下嗣位之後數
月徵還生歸帝京寵在郎署不踰年擢知

敬舞
作在并
除元
七年一
似有之
任元
中謝臣
早自有
京在歸

制誥未周歲正授舍人出泥登霄從骨生
肉唯有一死擬將報恩旋屬方隅不寧朝
廷多事當陛下肝食宵衣之日是微臣輸
肝寫膽之時雖進獻愚衷或期有補而退
思事理多不合宜臣猶自知况在天鑒忝
非土木如履冰泉合當鼎鑊之誅尚忝藩
宣之寄才小官重恩深責輕欲答生成未
知死所唯當夙興夕惕焦思苦心恭守詔
條勤郵人庶下蘇凋瘵上副憂勤萬分之

宣作終
恩作貴
庶作終

臣某誠惶誠恐頓首三謹言三有為宰相謝狀二道有之且賜酒脯茶及餅菓等有之

恩莫酬一二仰天舉首望闕馳心葵藿之志徒傾螻蟻之誠難達無任感恩激切之至謹奉表稱謝以聞長慶二年

十月一日吳衛臣白屋易上表有

為宰相謝恩賜酒脯餅果等狀

右中使某奉宣聖旨賜臣等前件物等俯俸受賜竦躍荷恩天酒來以分甘御羞降而示惠臣等省躬知感因物言情寵過加邊懼多尸素之責榮同置醴慙無麴蘖之功徒瀝丹誠豈酬玄造

稱作使

物作酒

躍作踊

豆有

上四字

為宰相謝恩賜吐蕃信物銀器錦綵等狀

右臣等材愧庸虛職叨輔弼遇天下削平之日當西戎即叙之時遂使殊方致茲遠物此皆率由玄化感慕皇風人臣既絕外交問遺敢言已有今蒙重賜益荷聖慈况來自外夷知德廣之所及降從中旨仰恩深而不勝感戴慙惶倍萬常品

為段相謝恩賜設及酒脯等狀

為段相謝狀三道賜

上三字

恩等

言作為

兢惶感愧
信落帝情
一有

伏蒙聖慈特加寵錫珍羞出於內府旨酒
降於上尊捧戴歡榮不知所措臣以叨台
鼎新忝節旄勤勞無展於股肱醉飽有慙
於口腹

為段相謝借飛龍馬狀

伏以出從內廐行及中塗假飛龍之駿駒
代跛鼈之蹇步執鞭拜命借馬喻身取其
戀主之心以表為臣之節恩深易感情懇
難陳

殊隔之誣信
百辭之自

為段相謝手詔及金刀狀

詔賜累加慙惶交集寵來天上感動人間
且金蘊其堅奉之而永貞王度刀宣其利
操之而遠耀天威豈唯佩作身榮實可藏
為家寶况臣望闕漸遠受恩轉多比堅而
報國有時効死而殺身無地

為宰相謝官表 為微之作

臣某言伏奉今日日制書授臣守本官同
中書門下平章事者殊常之命非望之恩

空驛皇差
山空甲未誠

感作榮

時作心

月了元

者了元

臣某誠惶
誠恐頓首
有之

出自宸衷加於凡陋竦駭震越不知所為
臣伏惟近例宰相上後合獻表陳謝臣今
所獻與眾不同伏惟聖慈特賜留聽臣伏
聞玄宗即位之初命姚元崇為宰相元崇
欲救時弊獻事十條未得請間不立相位
玄宗明聖盡許行之遂致太平實由於此
陛下視今日天下何如開元天下微臣自
知才用亦遠不及元崇若又僴俛安懷因
循保位不惟恩德是負實亦軍國可憂臣

或元之
臣謝
惟作治
及作建

致作置
撫作瑞

欲候坐對時便陳當今切事下救時弊上
酬君恩臣之誓心為日久矣陛下許行則
進不許則退進退之分斷之不疑敢於事
前先此陳啓况臣才本庸淺遭遇盛明天
心自知不因人進擢居禁署訪以密謀恩
獎太淺讒謗並至雖內省行事無所愧心
然上黷宸聽合當死責豈意憐察曲賜安
全螻蟻之生得自茲日今越流輩授以台
衡拔於萬死之中致在九霄之上捫心撫

陳作保
聽作處
自作到
茲作今
又於
致作置
霄作

已審分量恩陛下猶不以衆人之心待臣
臣豈敢以衆人之心事上皇天白日實鑒
臣心得獻前言雖死無恨無任感恩懇款
之至

屏營之至謹奉表陳謝以同臣
其誠惶誠恐頓首々々謹言
寫本跋云 四月廿日為過海設齋於白樂天禪院一期了更華
貞和元年七月以七日書寫了唯寂坊書寫了

白氏文集卷第四十四

懇款
之至
懇款

